

ოქმი N16

ხობის მუნიციპალიტეტის მესამე მოწვევის საკრებულოს ბიუროს სხდომისა

ქ. ხობი

2016 წლის 22 ნოემბერი

ბიუროს წევრთა კანონით დადგენილი რაოდენობა - 13

ბიუროს უფლებამოსილ წევრთა რაოდენობა - 12

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. გოჩა სიჭინავა
4. ნუგზარ შუმანია
5. დოდო გაბუნია
6. ტარიელ ალექსანდრია
7. ვასილ კუკავა
8. ლევან ქავთარაძე
9. ლაშა ცატავა
10. თენგიზ აბაკელია
11. როსტევეან გვარამია
12. მალხაზ ლაგვილავა (არაუფლებამოსილი-იმყოფება კუთვნილ შვებულებაში)
13. თემურ გულუა

ბიუროს სხდომას თავმჯდომარეობდა ედიშერ ჯობავა – საკრებულოს თავმჯდომარე

*დღის წესრიგი:*

1. ხობის მუნიციპალიტეტის გამგებლის გ. ქაჯაიას 2016 წლის 8 ნოემბრის N05/2900 წერილის განხილვა („ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ განკარგულების პროექტის თაობაზე);

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე);

2. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 14 ნოემბრის N05/2948 წერილის განხილვა (ხობის მუნიციპალიტეტის 2017 წლის

ადგილობრივი ბიუჯეტის პროექტისა და ხობის მუნიციპალიტეტის 2017 წლის და 2018 – 2020 წლების ადგილობრივი პრიორიტეტების შესახებ);

(მომხსენებელი: ტ. ალექსანდრია - საფინანსო - სარევიზიო კომისიის თავმჯდომარე);

3. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 14 ნოემბრის N05/2949 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ - ეკონომიკური მდგომარეობის გაუმჯობესებისა და ხელშეწყობის 2016 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2016 წლის 28 იანვრის N16 განკარგულებაში ცვლილების შეტანის შესახებ“ განკარგულების პროექტის თაობაზე);

(მომხსენებელი: დ. გაბუნია - სოციალურ საკითხთა კომისიის თავმჯდომარე);

4. ხობის მუნიციპალიტეტის საკრებულოს ფრაქცია „თავისუფალი მოქალაქეების“ წევრის გ. ქამანაიას 2016 წლის 18 ნოემბრის N536 განცხადების განხილვა (ფრაქციის სახელწოდებისა და წესდებაში ცვლილების შესახებ);

(მომხსენებელი: ნ. შუშანია - სამანდატო - საპროცედურო საკითხთა კომისიის თავმჯდომარე);

5. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N04/3025 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის შესახებ“ დადგენილების პროექტის თაობაზე);

(მომხსენებელი: ტ. ალექსანდრია - საფინანსო - სარევიზიო კომისიის თავმჯდომარე);

6. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N03/3028 წერილის განხილვა („ხობის მუნიციპალიტეტის გამგეობის სამტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის N52 განკარგულებაში ცვლილების შეტანის თაობაზე“ განკარგულების პროექტის შესახებ);

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე)

7. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N03/3030 წერილის განხილვა („ხობის მუნიციპალიტეტის ადგილობრივი

თვითმართველობის მოხელეთა კვალიფიკაციის ამაღლების 2017 წლის სასწავლო გეგმის დამტკიცების შესახებ“ განკარგულების პროექტის თაობაზე);

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე);

8. ხობის მუნიციპალიტეტის საკრებულოს აპარატის უფროსის ლ. შამათავას 2016 წლის 21 ნოემბრის N85/03 მოხსენებითი ბარათის განხილვა (ხობის მუნიციპალიტეტის საკრებულოს აპარატის საშტატო ნუსხაში ცვლილების შეტანის შესახებ).

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე).

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით

### **დღის წესრიგით გათვალისწინებულ საკითხთა განხილვა**

1. ხობის მუნიციპალიტეტის გამგებლის გ. ქაჯაიას 2016 წლის 8 ნოემბრის N05/2900 წერილის განხილვა („ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ განკარგულების პროექტის თაობაზე);

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე);

მოისმინეს: გ. სიჭინავა - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ მუნიციპალიტეტის გამგეობის განმარტებით მუნიციპალიტეტის ტერიტორიაზე მოქმედი 29 საბავშვო ბაღიდან, 16-ზე უზუფრუქტის წესით გადაცემულია შენობა-ნაგებობა, 13 საბავშვო ბაღიდან 8 განთავსებულია მუნიციპალიტეტის ადმინისტრაციულ შენობაში, ხოლო 5 სახელმწიფო საკუთრებაში არსებულ შენობაში. გამგეობის მხრიდან მიზანშეწონილად ჩაითვალია მუნიციპალიტეტის საკუთრებაში არსებული შენობების გარკვეული ფართები უზუფრუქტის წესით გადაეცეს ხობის მუნიციპალიტეტის სკოლამდელ სააღმზრდელო გაერთიანებას, რაზედაც მათი მხრიდან მომზადებულია განკარგულების პროექტი. გამომსვლელის განცხადებით, გამგეობის მიერ წარმოდგენილი პროექტი მომზადებულია კანონის მოთხოვნათა გათვალისწინებით და კომისიას

მიზანშეწონილად მიაჩნია მისი საკრებულოს სხდომაზე გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი ანგარიშის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 12, წინააღმდეგი – არც ერთი**

დაადგინეს: წარმოდგენილი ანგარიში შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 14 ნოემბრის N05/2948 წერილის განხილვა (ხობის მუნიციპალიტეტის 2017 წლის ადგილობრივი ბიუჯეტის პროექტისა და ხობის მუნიციპალიტეტის 2017 წლის და 2018 – 2020 წლების ადგილობრივი პრიორიტეტების შესახებ);

(მომხსენებელი: ტ. ალექსანდრია - საფინანსო - სარევიზიო კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო განმარტებითი ბარათი ხობის მუნიციპალიტეტის 2017 წლის ადგილობრივი ბიუჯეტის პროექტისა და ხობის მუნიციპალიტეტის 2017 წლის და 2018 – 2020 წლების ადგილობრივი პრიორიტეტების შესახებ (ოქმს თან ერთვის). გამომსვლელმა ვრცლად ისაუბრა წარმოდგენილი საკითხის შესახებ და დასასრულ აღნიშნა, რომ კომისიას გააჩნია სხვადასხვა სახის შენიშვნები, ასევე 2017 წლის ბიუჯეტის პროექტის საჯარო განხილვა მოხდება 24 ნოემბერს, სადაც მოწვეული იქნება ყველა როგორც ა(ა)იპ-ის ხელმძღვანელები, ასევე საზოგადოების წარმომადგენლები და საჯაროდ იქნება განხილული წარმოდგენილი ბიუჯეტის პროექტი, რის შემდგომაც, შენიშვნების გათვალისწინებით დაუბრუნდება გამგეობას აღნიშნული პროექტი შემდგომი რეაგირებისთვის

სხდომის თავმჯდომარემ განაცხადა, რომ გამგეობის მიერ, პროექტი დროულად იქნა წარმოდგენილი საკრებულოში განსახილველად, 24 ნოემბერს მოხდება მისი საჯარო განხილვა, რის შემდეგაც პროექტი დაუბრუნდება გამგეობას შესაბამისი შენიშვნებით. სხდომის თავმჯდომარემ მიმართა ბიუროს წევრებს, წარმოდგენილ პროექტთან

დაკავშირებით გამოეთქვათ შენიშვნები ან მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 12, წინააღმდეგი – არც ერთი**

დაადგინეს: წარმოდგენილი პროექტი საკრებულოს წევრებისთვის გაცნობის მიზნით შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 14 ნოემბრის N05/2949 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ - ეკონომიკური მდგომარეობის გაუმჯობესებისა და ხელშეწყობის 2016 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2016 წლის 28 იანვრის N16 განკარგულებაში ცვლილების შეტანის შესახებ“ განკარგულების პროექტის თაობაზე);

(მომხსენებელი: დ. გაბუნია - სოციალურ საკითხთა კომისიის თავმჯდომარე);

მოისმინეს: დ. გაბუნია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ - ეკონომიკური მდგომარეობის გაუმჯობესებისა და ხელშეწყობის 2016 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2016 წლის 28 იანვრის N16 განკარგულებაში ცვლილების შეტანის შესახებ“ და კომისიის დასკვნა, წარმოდგენილ საკითხთან დაკავშირებით (ოქმს თან ერთის) და აღნიშნა, რომ გამგეობის განმარტებით ხობის მუნიციპალიტეტის გამგეობაში არაერთი განცხადებაა შემოსული მოქალაქეთა მხრიდან, საოპერაციო თანხების ნაწილობრივ დაფინანსების თაობაზე. 2016 წლის 1 ნოემბრის მდგომარეობით გაცემული საგარანტიო წერილებით აღნიშნულ დახმარებაზე გამოყოფილი თანხა არასაკმარისი აღმოჩნდა, რის გამოც გამგეობის მიერ მიზანშეწონილად იქნა მიჩნეული ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2016 წლის მუნიციპალური პროგრამის საოპერაციო თანხების ნაწილობრივ დაფინანსების მუხლში დასამატებლად 65 000 ათასი ლარის მოძიება და საოპერაციო ხარჯების დაფინანსება განისაზღვრა 115000 ლარით. ასევე „C“ ჰეპატიტით დაავადებულთათვის საჭირო გამოკვლევების დაფინანსება“ (პროგრამული მკურნალობის დასაწყებად დახმარებაზე გამოყოფილი თანხა) მუხლში თანხა არასაკმარისი აღმოჩნა, რის

გამოც უსახლკაროდ დარჩენილთა, (რომლებიც საჭიროებენ თავშესაფარს და აქვთ გაკეთებული განაცხადი შესაბამის სტრუქტურებში) ყოველთვიური ბინის ქირის გადასახადის მუხლში არსებული ეკონომიიდან 10800 ლარის, ხანძრით და სტიქიით დაზარალებულთა დახმარების მუხლში არსებული ეკონომიიდან 10000 ლარის და 0-18 წლამდე ასაკის შეზღუდული შესაძლებლობის მქონე პირთათვის სამედიცინო სარეაბილიტაციო ერთჯერადი დახმარების მუხლში არსებული ეკონომიიდან 2500 ლარის გადმოტანა „C“ ჰეპატიტით დაავადებულთათვის საჭირო გამოკვლევების დასაფინანსებლად, შესაბამისად ეს ეს მუხლი განისაზღვრება 39050 ლარით. შემოსული განცხადებებიდან გამომდინარე სიდატაკის ზღვარს მიღმა მყოფ ოჯახებზე წყლის ხარჯის ანაზღაურების მუხლში გამოყოფილი თანხაც ასევე არასაკმარისი აღმოჩნდა, რის გამოც განხორციელდა მრავალშვილიანთა დახმარების მუხლში არსებული ეკონომიიდან 1650 ლარის, არასრულწლოვან ობოლთა დახმარების მუხლში არსებული ეკონომიიდან 400 ლარის, 100 წლის და 100 წელზე მეტი ასაკის მოქალაქეთა დახმარების მუხლში არსებული ეკონომიიდან 750 ლარის გადმოტანა აღნიშნულ მუხლში, რის საფუძველზეც სიდატაკის ზღვარს მიღმა მყოფ ოჯახებზე წყლის ხარჯის ანაზღაურების მუხლი განისაზღვრება 8800 ლარით. გამომსვლელის განცხადებით, გამგეობის მიერ წარმოდგენილი პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მისი საკრებულოს სხდომაზე გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

4. ხობის მუნიციპალიტეტის საკრებულოს ფრაქცია „თავისუფალი მოქალაქეების“ წევრის გ. ქამანაიას 2016 წლის 18 ნოემბრის N536 განცხადების განხილვა (ფრაქციის სახელწოდებისა და წესდებაში ცვლილების შესახებ);

(მომხსენებელი: ნ. შუმანია - სამანდატო - საპროცედურო საკითხთა კომისიის თავმჯდომარე);

მოისმინეს: ნ. შუშანია - მომხსენებელმა ბიუროს წევრებს გააცნო ხობის მუნიციპალიტეტის საკრებულოს ფრაქცია „თავისუფალი მოქალაქეების“ წევრის განცხადება ფრაქციის სახელწოდებისა და წესდებაში ცვლილების შესახებ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ საკრებულოს ფრაქცია „ქართული ოცნება - რესპუბლიკელების“ მიერ საკრებულოს თავმჯდომარეს წარედგინა ფრაქციის სხდომის ოქმი, ფრაქციისთვის სახელის შეცვლისა და წესდებაში ცვლილების შეტანის თაობაზე, შესაბამისად კომისიის მიერ მომზადდა განკარგულების პროექტი „ფრაქცია „ქართული ოცნება - რესპუბლიკელების“ რეგისტრაციის შესახებ“ ხობის მუნიციპალიტეტის საკრებულოს 2014 წლის 16 ივლისის N42 განკარგულებაში ცვლილების შეტანის თაობაზე“, რომლის თანახმად საკრებულოს ბიურო უზრუნველყოფს ფრაქციის ცვლილების რეგისტრაციას, ხოლო კომისიის მიერ მომზადებული პროექტი საკრებულოს წარედგინება ცნობის სახით. გამომსვლელის განცხადებით, წარმოდგენილი პროექტი აკმაყოფილებს საქართველოში მოქმედ კანონებს და კომისიას მიზანშეწონილად მიაჩნია საკრებულოს სხდომაზე მისი გატანა ცნობის სახით.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას საკრებულოს ფრაქცია „ქართული ოცნება - რესპუბლიკელების“ რეგისტრაციაში ცვლილებასა და ფრაქცია „თავისუფალი მოქალაქეების“ რეგისტრაციის შესახებ და წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი - არც ერთი

დაადგინეს: შეტანილ იქნეს ცვლილება საკრებულოს ფრაქცია „ქართული ოცნება - რესპუბლიკელების“ რეგისტრაციაში და რეგისტრირებულ იქნეს მის უფლებამონაცვლედ საკრებულოს ფრაქცია „თავისუფალი მოქალაქეები“ და წარმოდგენილი პროექტი შეტანილ იქნეს საკრებულოს სხდომის დღის წესრიგში

5. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N04/3025 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის შესახებ“ დადგენილების პროექტის თაობაზე);

(მომხსენებელი: ტ. ალექსანდრია - საფინანსო - სარევიზიო

მოისმინეს: ტ. ალექსანდრია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ დადგენილების პროექტით მუნიციპალიტეტის ბიუჯეტში ხორციელდება შემდეგი სახის ცვლილება: იზრდება ბიუჯეტის შემოსავლები მუხლიდან „საშემოსავლო გადასახადი“ 530.0 ათასი ლარით და მუხლიდან „პროცენტები“ 100.0 ათასი ლარით. მცირდება ბიუჯეტში გადასახდელები 195.0 ათასი ლარით, კერძოდ, პრიორიტეტის „ინფრასტრუქტურის მშენებლობა, რეაბილიტაცია და ექსპლოატაცია“ ასიგნებები. გამონთავისუფლებული და შემოსავლების ზრდით მიღებული, სულ 825.0 ათასი ლარი, მიიმართება შემდეგ ღონისძიებათა დასაფინანსებლად: 788.0 ათასი ლარი - პრიორიტეტის „ინფრასტრუქტურის მშენებლობა, რეაბილიტაცია და ექსპლოატაცია“ ასიგნებებზე, კერძოდ, ქვეპროგრამის „გზების მშენებლობა, რეაბილიტაცია და მოვლა-შენახვა“ ეკონომიკური კლასიფიკაციის მუხლის „არაფინანსური აქტივების ზრდა“ ასიგნებაზე. 37.0 ათასი ლარი მიიმართება პრიორიტეტის „მოსახლეობის ჯანმრთელობის დაცვა და სოციალური უზრუნველყოფა“ ასიგნებებზე, კერძოდ, ქვეპროგრამის „ავადმყოფთა სოციალური დახმარება“ ეკონომიკური კლასიფიკაციის მუხლის „სოციალური დახმარება ასიგნებაზე“. ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15 დადგენილების შესაბამისად ხობის მუნიციპალიტეტის 2016 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა გაიზარდა 630,0 ათასი ლარით და შეადგინა 13521,7 ათას ლარი. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით, სერიოზული ხასიათის შენიშვნები არ გააჩნია და კომისიას მიზანშეწონილად მიაჩნია დადგენილების პროექტის წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.



სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი დადგენილების პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 12, წინააღმდეგი – არც ერთი**

**დაადგინეს:** წარმოდგენილი დადგენილების პროექტი შეტანილ იქნეს საკრებულოს სხდომის დღის წესრიგში

6. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N03/3028 წერილის განხილვა („ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის N52 განკარგულებაში ცვლილების შეტანის თაობაზე“ განკარგულების პროექტის შესახებ);

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე)

**მოისმინეს:** ლ. ცატავა - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის N52 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ „საჯარო სამსახურის შესახებ“ საქართველოს ახალი კანონის ძალაში შესვლიდან, 2017 წლის 1 იანვრიდან იცვლება საჯარო სამსახურში დასაქმებულთა დასახელებები და კატეგორიები, კერძოდ: კანონის განმარტებით, საჯარო მოსამსახურე არის პროფესიული საჯარო მოხელე/საჯარო მოხელე/მოხელე, ადმინისტრაციული ხელშეკრულებით დასაქმებული პირი ან/და შრომითი ხელშეკრულებით დასაქმებული პირი. პროფესიული საჯარო მოხელე/საჯარო მოხელე/მოხელე განიმარტება, როგორც „პირი, რომელიც უვადოდ ინიშნება მოხელისათვის განკუთვნილ საჯარო სამსახურის საშტატო თანამდებობაზე სახელმწიფოს, ავტონომიური რესპუბლიკის, მუნიციპალიტეტის, საჯარო სამართლის იურიდიული პირის მიერ, რომელიც ახორციელებს საჯარო სამართლებრივ უფლებამოსილებებს, როგორც თავის ძირითად პროფესიულ საქმიანობას, რაც უზრუნველყოფს მის მიერ საჯარო ინტერესების დაცვას, და რომელიც ამის სანაცვლოდ იღებს შესაბამის ანაზღაურებას და სოციალური და სამართლებრივი დაცვის გარანტიებს“,

ხოლო „შრომითი ხელშეკრულებით დასაქმებული პირი“ განმარტებულია, როგორც „პირი, რომელსაც საჯარო სამსახურის განხორციელების უზრუნველსაყოფად შრომითი ხელშეკრულების საფუძველზე მინიჭებული აქვს საჯარო დაწესებულების დამხმარე ან არამუდმივი ამოცანების შესრულების უფლებამოსილება“. ახალი კანონმდებლობით, დამხმარე მოსამსახურე საჯარო დაწესებულებაში საქმდება შრომითი ხელშეკრულების საფუძველზე, განსხვავებით ამჟამინდელი დამხმარე მოსამსახურისთვის შტატით გათვალისწინებული თანამდებობისა. საქართველოს კანონმდებლობაში 2017 წლის 1 იანვრისთვის დაგეგმილმა ცვლილებებმა წარმოშვა აუცილებლობა გამგეობის სამტატო ნუსხიდან დამხმარე მოსამსახურეთათვის გათვალისწინებული თანამდებობების (სულ 7 თანამდებობა) ამოღებისა, შემდგომში ამ თანამდებობებზე დასაქმებულთა შრომითი ხელშეკრულებით დასაქმების აუცილებლობის გამო, ხოლო პარალელურად, ხორციელდება მიმდინარე პერიოდისთვის შრომითი ხელშეკრულებით დასაქმებულ იმ პირთა საშტატო ნუსხაში დამატება, რომლებიც ფუნქციურად საჯაროსამართლებრივ უფლებამოსილებებს ახორციელებენ (სულ 2 პირი). განსახორციელებელი ცვლილებების შედეგად, გამგეობის საშტატო ნუსხა მცირდება 5 საშტატო ერთეულით, მათ შორის, მცირდება ადმინისტრაციული სამსახურის საშტატო თანამდებობათა რიცხოვნობა 7 ერთეულით და იზრდება ადმინისტრაციული სამსახურის საშტატო თანამდებობათა რიცხოვნობა 1 ერთეულით, ხოლო წვევამდელთა, რეზერვისტთა, სამხედრო აღრიცხვის, გაწვევის და მობილიზაციის სამსახურის საშტატო თანამდებობათა რიცხოვნობა - 1 ერთეულით. ზემოთ აღნიშნული გარემოების გათვალისწინებით, მომზადდა ხობის მუნიციპალიტეტის საკრებულოს განკარგულების პროექტი „ხობის მუნიციპალიტეტის გამგეობის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №52 განკარგულებაში ცვლილების შეტანის თაობაზე“. გამომსვლელის განცხადებით, გამგეობის მიერ პროექტი მომზადებულია კანონის მოთხოვნათა გათვალისწინებით, და კომისიას მიზანშეწონილად მიაჩნია მისი საკრებულოს სხდომაზე გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

7. ხობის მუნიციპალიტეტის გამგებლის მოვალეობის შემსრულებლის ვ. გაბედავას 2016 წლის 21 ნოემბრის N03/3030 წერილის განხილვა („ხობის მუნიციპალიტეტის ადგილობრივი თვითმმართველობის მოხელეთა კვალიფიკაციის ამაღლების 2017 წლის სასწავლო გეგმის დამტკიცების შესახებ“ განკარგულების პროექტის თაობაზე);

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე);

მოისმინეს: ლ. ცატავა - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის ადგილობრივი თვითმმართველობის მოხელეთა კვალიფიკაციის ამაღლების 2017 წლის სასწავლო გეგმის დამტკიცების შესახებ“ და განაცხადა, რომ „ადგილობრივი თვითმმართველობის მოხელეთა უწყვეტი სწავლების სისტემის, მასში ჩართული უწყებების უფლებამოსილებებისა და ამ სისტემის ფუნქციონირების პრინციპებისა და წესის დამტკიცების თაობაზე“ საქართველოს მთავრობის 2015 წლის 7 ივლისის №319 დადგენილების შესაბამისად, ხობის მუნიციპალიტეტის ადგილობრივი თვითმმართველობის მოხელეთა კვალიფიკაციის ამაღლების 2017 წლის სასწავლო გეგმის შემუშავების მიზნით, ხობის მუნიციპალიტეტის გამგეობასა და საკრებულოს აპარატში განხორციელდა სათანადო აქტივობები, რაც ითვალისწინებდა ყველა მოხელისა და მათი ხელმძღვანელების მხრიდან ტრენინგ-საჭიროებების განსაზღვრის კითხვარების შევსებას, მათ საფუძველზე ტრენინგ-საჭიროებათა განსაზღვრისთვის განკუთვნილი მონაცემთა შეყვანისა და დამუშავების ბაზის ფორმირებას და სათანადო ანალიზის საფუძველზე შედეგების შეჯამებას. შემაჯამებელი შედეგებით, 2017 წლისთვის იგეგმება 58 მოხელის კვალიფიკაციის ამაღლება, რომლის უზრუნველყოფის მიზნით, გამგეობის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს განკარგულების პროექტი „ხობის მუნიციპალიტეტის ადგილობრივი თვითმმართველობის მოხელეთა კვალიფიკაციის ამაღლების 2017 წლის სასწავლო გეგმის დამტკიცების შესახებ“. მოხელეთა სწავლების საჭიროებათა კვლევისა და სისტემატიზაციისთვის, მუნიციპალიტეტის წლიური სასწავლო გეგმა იგზავნება სსიპ - ვანო ხუბუნაიშვილის სახელობის ეფექტიანი მმართველობის სისტემის და ტერიტორიული მოწყობის რეფორმის ცენტრში და საჯარო სამსახურის ბიუროში. გამომსვლელის განცხადებით, გამგეობის მიერ წარმოდგენილი პროექტი მომზადებულია კანონის მოთხოვნათა გათვალისწინებით, და კომისიას მიზანშეწონილად მიაჩნია მისი საკრებულოს სხდომაზე გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 12, წინააღმდეგი – არც ერთი**

**დაადგინეს:** წარმოდგენილი პროექტი შეტანილ იქნეს საკრებულოს სხდომის დღის წესრიგში

8. ხობის მუნიციპალიტეტის საკრებულოს აპარატის უფროსის ლ. შამათავას 2016 წლის 21 ნოემბრის N85/03 მოხსენებითი ბარათის განხილვა (ხობის მუნიციპალიტეტის საკრებულოს აპარატის სამტატო ნუსხაში ცვლილების შეტანის შესახებ).

(მომხსენებელი: ლ. ცატავა - იურიდიულ საკითხთა და ადამიანის უფლებათა დაცვის კომისიის თავმჯდომარე).

**მოისმინეს:** ლ. ცატავა - მომხსენებელმა ბიუროს წევრებს გააცნო ხობის მუნიციპალიტეტის საკრებულოს აპარატის უფროსის მოხსენებითი ბარათი ხობის მუნიციპალიტეტის საკრებულოს აპარატის სამტატო ნუსხაში ცვლილების შეტანის შესახებ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ 2017 წლის 1 იანვარს ძალაში შედის „საჯარო სამსახურის შესახებ“ საქართველოს ახალი კანონი, რომლის საფუძველზეც საჯარო სამსახურში დასაქმებულთა დასახელებები და კატეგორიები იცვლება სრულიად, კერძოდ: კანონის განმარტებით, საჯარო მოსამსახურე არის პროფესიული საჯარო მოხელე/საჯარო მოხელე/მოხელე, ადმინისტრაციული ხელშეკრულებით დასაქმებული პირი ან/და შრომითი ხელშეკრულებით დასაქმებული პირი. პროფესიული საჯარო მოხელე/საჯარო მოხელე/მოხელე განიმარტება, როგორც „პირი, რომელიც უვადოდ ინიშნება მოხელისათვის განკუთვნილ საჯარო სამსახურის სამტატო თანამდებობაზე სახელმწიფოს, ავტონომიური რესპუბლიკის, მუნიციპალიტეტის, საჯარო სამართლის იურიდიული პირის მიერ, რომელიც ახორციელებს საჯარო სამართლებრივ უფლებამოსილებებს, როგორც თავის ძირითად პროფესიულ საქმიანობას, რაც უზრუნველყოფს მის მიერ საჯარო ინტერესების დაცვას, და რომელიც ამის სანაცვლოდ იღებს შესაბამის ანაზღაურებას და სოციალური და სამართლებრივი დაცვის გარანტიებს“, ხოლო „შრომითი ხელშეკრულებით დასაქმებული პირი“ განმარტებულია, როგორც „პირი, რომელსაც საჯარო სამსახურის განხორციელების უზრუნველსაყოფად შრომითი ხელშეკრულების საფუძველზე მინიჭებული აქვს საჯარო დაწესებულების დამხმარე ან არამუდმივი ამოცანების შესრულების უფლებამოსილება“.

გამომდინარე ზემო აღნიშნულიდან დამხმარე მოსამსახურე საჯარო დაწესებულებაში საქმდება შრომითი ხელშეკრულების საფუძველზე, განსხვავებით ამჟამინდელი საკრებულოს აპარატში დამხმარე მოსამსახურისთვის შტატით გათვალისწინებული თანამდებობისა, ესენი არიან ტექნიკური მუშაკი ტექნიკური მომსახურების საკითხებში და დამლაგებელი. შესაბამისად, მიზანსეწონილად იქნა მიჩნეული საკრებულოს აპარატში შრომითი ხელშეკრულების საფუძველზე დასაქმებული უფროსი სპეციალისტის შეტანილ უნდა იქნეს საშტატო ნუსხაში, ხოლო ტექნიკური პერსონალი დასაქმდეს შრომითი ხელშეკრულების საფუძველზე. ამასთან ზემო აღნიშნული ცვლილების შემთხვევაში, საშტატო ნუსხაში უმჯობესი იქნება გათვალისწინებულ იქნეს წამყვანი სპეციალისტის შტატი, რადგანაც ეს შესაძლებლობას მოგვცემს საკრებულოს თავმჯდომარის მიერ დადგენილი დამატებითი საკვალიფიკაციო მოთხოვნების შესაბამისად, კონკურსის წესით, მიღებულ იქნეს უფრო მაღალი კვალიფიკაციის კადრი. გამომსვლელის განცხადებით, საკრებულოს იურიდიულ საკითხთა და ადამიანის უფლებათა დაცვის კომისიის მიერ მომზადებული პროექტი (ოქმს თან ერთვის) შეესაბამება კანონის მოთხოვნებს და კომისიას მიზანსეწონილად მიაჩნია მისი საკრებულოს სხდომაზე გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

სხდომის თავმჯდომარე



ედიშერ ჯობავა